

आकाशवाणी

- बिहार च नमी सरकार दे गठन लेई सियासी गतिविधियां तेज होई गेइयां न।
- दिल्ली पुलिस दी अपराध शाखा ने धोखाधड़ी ते जालसाजी दे आरोप च अल-फलाह युनिवर्सिटी दे खलाफ द'उं मामले दर्ज कीते न।
- सरहदी सैलसफा दे बाददे-विस्तार दी दिशा च इक बड़ी पैहल करदे होई सिक्किम सरकारै रणनीतिक रूप कन्नै संवेदनशील ढोकलाम ते चो-ला थाहें गी इस ब' रे 15 दिसंबर तगर सैलानिएं लेई खोली देने दा ऐलान कीता ऐ।
- केरल च मशहूर सबरीमाला अयप्पा मंदर, पवितर मंल मकराविल्लकु तीर्थ यात्रा लेई अज्ज खुल्ली जाहग।
- भारती वायु सेना अज्जै थमां फ्रांस च दपक्खी वायु सेना अभ्यास गरुड़-25 दे 8में संस्करण च शामिल होग।
- ग्रेटर नोएडा च अज्जै थमां शहीद विजय सिंह पथिक खेड़ परिसर च विश्व मुक्केबाजी कप फाइनल्स टूर्नामेंट शुरू होग।

<><><><><><>

Bihar-Govt. Formation

बिहार च नमी सरकार दे गठन लेई सियासी गतिविधियां तेज होई गेइयां न। विधानसभा चुनाव च भारी जित हासल करने दे परेंत एन.पी.ए नै राज्य च सरकार बनाने पर ध्यान केंद्रित कीता ऐ। केंद्री मंत्री ते लोक जनशक्ति पार्टी (रामविलास) दे प्रधान चिराग पासवान, हिंदुस्तानी अवाम मोर्चा दे प्रधान संतोष सुमन ते केई होर लीएँ कल पटना च जनता दल युनाइटेड दे प्रधान ते बिहार दे मुख्यमंत्री नितिश कुमार हुं'दे कन्नै मलाटी कीती।

बैठक दरान सरकार दे गठन बारै औपचारिक चर्चा होई। जनता दल युनाइटेड दे कार्यकारी अध्यक्ष संजय झा ते केंद्री मंत्री राजीव रंजन सिंह उर्फ लल्लन सिंह होरें बी कल संझा नमीं दिल्ली च भारती जनता पार्टी दे सीनियर लीडर ते गृह मंत्री अमित शाह हुंदे कन्नै मलाटी कीती। दस्सेआ जा'रदा ऐ जे बैठक दरान नमीं सरकार दे गठन दी प्रक्रिया बारै शुरूआती गल्लबात कीती गई। राज्य मंत्रिमंडल दी अखीरी बैठक कल लग्गने दी मेद ऐ।

<><><><><><>

Delhi-AI Falah FIR

दिल्ली क्राइम ब्रांच नै अल फलाह युनिवर्सिटी दे खिलाफ दो बक्ख-बक्ख एफ.आई.आर दर्ज कीतियां न। इक एफ.आई.आर धोखाधड़ी दे मामले च ते दुई जालसाजी सरबन्धी धाराएं तैहत दर्ज कीती गई ऐ। दिल्ली पुलिस दे इक सूत्र मुजब क्राइम ब्रांच दी इक टीम नै कल राश्ट्री राजधानी च ओखला इलाके च अल फलाह युनिवर्सिटी गी नोटिस बी जारी कीता ऐ ते उंदी थमां किश दस्तावेज मंगे न। पुलिस नै आखेआ ऐ जे युनिवर्सिटी ग्रांट कमिशन ते नेशनल असेसमेंट ते एक्रिडिटेशन काउंसल आसेआ कीती गेदी समीक्षा दरान युनिवर्सिटी च गंभीर गड़बड़ियें दा पता लग्गने मगरा एह एफ.आई.आर दर्ज कीती गई ऐ।

<><><><><><>

Sikkim-Doklam

सरहदी सैलसफा दे बाददे-विस्तार दी दिशा च इक बड़ी पैहल करदे होई सिक्किम सरकार ने ऐलान कीता ऐ जे रणनीतिक रूप कन्नै संवेदनशील डोकलाम ते चो-ला थाहें गी इस ब' रे 15 दिसंबर तगर सैलानिएं लेई खोल दिता जाहग। इस फैसले दे कन्नै पैहली बारी बसनीकें गी इ' नें उच्च-सुरक्षा सीमा खेतरें च दाखले दी खुल्ल दिती जाहग। इ' नें थाहें दा उद्घाटन मूल रूप कन्नै 27 सितंबर गी होना हा, पर प्रशासनिक ते रसद सरबन्धी रूकावटें करी योजना च चिर होई गेआ।

इस बारै पत्रकारें कन्नै गल्लबात करदे होई, सिक्किम दे सैलसफा मैहकमे दे अतिरिक्त मुख्ख सचिव सी.एस. राव होरें तसदीक कीती ऐ जे तैयारियां हुन अपने अखीरले चरण च न। सिक्किम सरकार दी इस गैह् दा मकसद जोखिम आहले ते विरासती सैलसफा गी बढ़ावा देना ऐ।

<><><><><><>

Sabarimala

केरल दा मशहूर सबीरमाला अयप्पा मंदर अज्ज शामी लै पवित्र मंल्ला मकरविलक्कू तीर्थ यात्रा लेई खुल्ली जाहग। लक्खां बददे श्रद्धालुएं दे पहाड़ी दी चोट पर स्थित मंदरै च औने ते आध्यात्मिक ज्ञान हासल करने दी मेद ऐ। मंदर दे उद्घाटन दी अखीरी तैयारियां चलारदियां न।

<><><><><><>

PM-Gujrat

प्रधानमंत्री नरेन्द्र मोदी होरें कल गुजरात दे जनजाती आबादी आहले नर्मदा ज़िले दे ढेपियापाड़ा कस्बे च 9 जहार 700 करोड़ रुपें शा मते दी लागत आहली विकास परियोजनाएं दा उद्घाटन कीता ते नीह् पत्थर बी रक्खे। एह परियोजनां बुनियादी ढांचे, सेहत, शिक्षा ते विरासत पर केंद्रित न। प्रधानमंत्री होरें जनजाती महापुरुष बिरसा मुंणा हुंदी जयंती दे मौके पर आयोजित सभा गी संबोधित करदे होई आखेआ जे जनजाती गौरव जहारें बरें थमां भारत दी चेतना दा अनट्रुट हिस्सा रेहा ऐ। श्री मोदी होरें मुंबई-अहमदाबाद हाई-स्पीड रेल कॉरिडोर दी प्रगति दी समीक्षा करने लेई गुजरात दे सूरत च जेरे तामीर बुलेट ट्रेन स्टेशन दा बी दौरा कीता। भारत दी सबनें शा महत्वाकांक्षी बुनियादी ढांचागत परियोजनाएं चा इक, मुंबई-अहमदाबाद हाई-स्पीड रेल कॉरिडोर तकरीबन 508 किलोमीटर तगर फैले दा ऐ।

एहदे च गुजरात ते दादरा सने नगर हवेली च 352 किलोमीटर ते महाराष्ट्र च 156 किलोमीटर दा इलाका शामिल ऐ। सबूरा होने पर, बुलेट ट्रेन मुंबई ते अहमदाबाद बश्कार जातरा दे समें गी तकरीबन द'उं घैंटें तगर घट्ट करी देग।

<><><><><><>

Defence-Guard

भारती वायु सेना अज्जै थमां फ्रांस च दपक्खी ब्हाई अभ्यास- गरू-25 दे 8में संस्करण च शामिलयत करग। ओह 27 नवंबर तगर फ्रेंच एयर एं स्पेस फोर्स दे कन्नै एह अभ्यास करग। रक्षा मंत्रालय ने आखेआ ऐ जे इस अभ्यास दा मकसद असल परिचालन वातावरण च रणनीति ते प्रक्रियाएं च सुधार करना ऐ। मंत्रालय ने दस्सेआ ऐ जे एह अभ्यास दौनें वायु सेनाएं बश्कार पेशेवर विचार-विमर्श, परिचालन जानकारी दा आदान-प्रदान ते कम्मकाज आहली बेहतरीन प्रणालियें गी सांझा कीते जाने दा इक मौका बी प्रदान करग। इस अभ्यास दे दरान फ्रांस दे मल्टीरोल जंगी जहाजें दे कन्नै भारती वायु सेना दा एस.यू- 30 एम.के.आई जहाज बी अपने जंगी कौशल दा प्रदर्शन करग। इस अभ्यास च ब्हाउ थमां ब्हाउ च जंग, वायु रक्षा ते सांझे हमले आहले अभियानें पर ध्यान केन्द्रित कीता जाहग।

<><><><><><>

Putin-Netanyahu Talks

रूस दे राष्ट्रपति व्लादिमीर पुतिन ते इस्राइल दे प्रधानमंत्री बेंजामिन नेतन्याहू होरें कल फोन पर गल्लबात कीती ते पच्छमी एशिया दे घटनाक्रमें, खास करियें गाजा दे हालात बारे चर्चा कीती। उनें ईरान दे परमाणु कार्यक्रम ते सीरिया च होने आहले कार्यक्रमें बारे बी गल्लबात कीती। रूस दे विदेश मंत्रालय नै आखेआ ऐ जे दवें नेताएं गाजा पट्ठी च संघर्ष विराम समझौते गी लागू करने ते नजरबंद लोकें दी रिहाई पर बी विचार बटांदरा कीता।

<><><><><><>

Shah-NZC Meeting

केंद्री गृह मंत्री अमित शाह होर सोमवारें हरियाणा दे फरीदाबाद च लोआई जा'रदी उत्तरी क्षेत्रीय परिषद दी बैठक दी प्रधानता करंगन। इस बैठक च पंजाब, हरियाणा ते हिमाचल प्रदेश दे मुख्यमंत्रिणं दे अलावा जम्मू-कश्मीर ते लद्दाख दे उपराज्यपाल ते चंपीगढ़ दे प्रशासक दे बी हिस्सा लैने दी मेद ऐ। परिषद दी इस 32मीं बैठक च राज्य सरकारें बश्कार तालमेल बनाने, पानी दी बां सरबंधी मुद्दें सने विकास परियोजनाएं पर चर्चा होने दी मेद ऐ।

<><><><><><>

CDS-IMHF Delhi

प्रमुख रक्षा अध्यक्ष जनरल अनिल चौहान होरें आखेआ ऐ जे कुसै बी राष्ट्र दी सुरक्षा ओहदी कूटनीति, अर्थ बवस्था ते तकनीक पर निर्भर करदी ऐ। उनें भारत दे नमें राष्ट्री सुरक्षा ढांचे बारे व्यापक नजरिया पेश कीता ते थेआरबंद बलें बश्कार तत्परता ते एकता दी जरूरतें पर जोर पाया। जंदे रोज दिल्ली च इंग्लियन मिलिटरी हेरीटेज फेस्टिवल च इक जनसभा गी संबोधित करदे होई चौहान होरें राष्ट्री सुरक्षा लेई त्रै मुख्य बिंदुएं पर लोऽ पाई। उनें आखेआ जे फोज दी तैयारियें कन्नै पता लगदा ऐ जे भविक्ख च युद्ध कियां लड़े जांगन ते एहदे मताबक फौज गी लैस ते फही सिखलाई दिती जानी लोइचदी।

<><><><><><>

World Boxing Finals

ग्रेटर नोएँ च अज्जै थमां शहीद विजय सिंह पथिक खेइढ परिसर च विश्व मुक्केबाजी कप फाइनल्स टूर्नामेंट शुरू होग। एह प्रतियोगिता 20 नवंबर तगर चलग। विश्व कप फाइनल्स विश्व मुक्केबाजी कप श्रंखला-2025 दा हिस्सा ऐ जेहड़ी ब्राजील, पोलैं ते कजाखिस्तान च आयोजित विश्व कप दे त्रै चरणें मगरा आयोजित कीती जा'रदी ऐ। इस प्रतियोगिता च 18एं मुख्खें दे 130 मुक्केबाज हिस्सा लैडन।

20एं श्रेणियें च ब'रे दे 8-8 सबनें शा बेहतरीन मुक्केबाज अपना दम-खम दस्सडन। भारत सबनें 20एं श्रेणियें च हिस्सा लै करदा ऐ, जेहदे च मीनाक्षी, निकहत जरीन, जैसमीन ते स्वीहटी बोरा ज्नेह विश्व चैंपियन मुक्केबाज शामिल होडन। मर्दे दी मुक्केबाजी च बी भारत तगमे जितने दी कोशश करग। अविनाश जामवाल ते हितेश ने इस ब'रे दे विश्व कप सर्किट च 2-2 तगमे जिते हे।

<><><><><><>

Test-Cricket

कोलकाता दे ई०न गार्पन्स च भारत ते दक्खन अफ्रीका बश्कार पैहले क्रिकेट टैस्ट मैच दे त्रीए रोज अज्ज दक्खन अफ्रीका 7एं विकेटें पर 93 रन्जें शा अगगे बल्लेबाजी करग। कल दा खेड्ड मुक्कने पर कप्तान टेम्बा बावुमा 29 रन्जें पर ते कार्बिन बाश इक रन्ज बनाइयै क्रीज पर हे। अर्जे तगर दक्खन अफ्रीका नै भारत पर 63 रन्जें दी बढ़त बनाई लैती दी ऐ। एहदे शा पैहले भारत दी पैहली पारी कल 189 रन्जें पर समाप्त होई गई ही।

<><><><><><>